

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar Admir Katica, (u daljem tekstu: Ugovorni organ) i

“PAPILON” d.o.o. Sarajevo, ulica Ferde Hauptmana broj 7, ID broj 4200752360000 kojeg zastupa direktor Dalila Zeljković (u daljem tekstu: Dobavljač)

zaključili su:

## **UGOVOR**

### **o nabavci materijala za tehničko i higijensko održavanje, LOT 7**

#### **Član 1.**

Predmet ugovora je nabavka materijala za tehničko i higijensko održavanje, LOT 7 - materijal za telekomunikacije i informatiku, za potrebe Ministarstva unutrašnjih poslova Kantona Sarajevo.

Nabavka je izvršena putem otvorenog postupka, na osnovu Odluke broj 01-14-4-7063 od 30.12.2021. godine, Obavještenja o nabavci broj 1364-1-1-59-3-33/21 od 31.12.2021. godine i Ispravke obavještenja o nabavci broj 1364-1-1-59-8-4/22 od 21.01.2022. godine

Ugovor se zaključuje u skladu sa uslovima iz tenderske dokumentacije, ponudom Dobavljača i odredbama Okvirnog sporazuma broj 01-11-4-7063-8 OS od 10.05.2022. godine. Ponuda Dobavljača nakon e-aukcije broj 18/22 od 13.04.2022. godine čini sastavni dio ugovora.

#### **Član 2.**

Ukupna vrijednost ovog Ugovora iznosi 5.500,00 KM bez PDV-a (pethiljadapetstotina i 00/100 KM)

Rok isporuke robe iz člana 1. ovog Ugovora je četiri dana od dana izdavanja narudžbenice. Materijal koji je predmet ovog Ugovora će se isporučivati sukcesivno, u skladu sa zahtjevima i potrebama Ugovornog organa. Dobavljač se obavezuje da se cijene za ponuđeni materijal, koje su date u ponudama u prilogu ugovora, neće mjenajti do isteka ovoga ugovora, odnosno okvirnog sporazuma.

#### **Član 3.**

Ugovorni organ će ugovorenu cijenu plaćati u roku od 30 dana od dana isporuke i dostavljanja fakture.

#### **Član 4.**

Kvantitativni prijem robe iz člana 1. ovog Ugovora, Ugovorni organ će kontrolisati prilikom prijema robe. Ukoliko kvantitet ne odgovara naručenom, Ugovorni organ neće primiti robu. Reklamacije na kvalitet Ugovorni organ može uložiti pismenim putem u roku od osam dana od prijema robe.

#### **Član 5.**

Dobavljač se obavezuje isporuku robe vršiti u svemu prema tehničkoj dokumentaciji, propisima, standardima i normama kvaliteta koji važe za vrstu roba koje su predmet nabavke.

#### **Član 6.**

Garantni rok za materijal iz člana 1. ovog Ugovora - prema garanciji proizvođača.

#### Član 7.

Dobavljač se obavezuje da će vršiti isporuku u skladu sa zahtjevom Ugovornog organa i da će odmah postupiti po eventualnim primjedbama Ugovornog organa u pogledu nedostataka na ime kvaliteta isporučene robe.

Ugovorni organ će utvrditi razuman rok za ispravak propusta Dobavljača u smislu isporučene robe.

#### Član 8.

Dobavljač je dužan da u roku od 10 dana od dana obostranog potpisivanja Ugovora, dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

#### Član 9.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

#### Član 10.


Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

#### Član 11.

Ovaj ugovor stupa na snagu danom potpisivanja ovlaštenih predstavnika i traje godinu dana, odnosno do realizacije ugovorenog iznosa, ali ne duže od okvirnog sporazuma.

#### Član 12.

Ovaj ugovor je sačinjen u četiri istovjetna primjerka, od kojih po dva zadržava svaka strana.



Broj: 30/06/22  
Datum: 02.06.22

